



**ЮМЫН АВАН
«ЙҰЫН ПЫТАРЫДЫМЕ ЧАШЕ»
ИКОНЫЖ ЛҰМЕШ
АКАФИСТ**



Йошкар-Ола
2025

*Йошкар-Олан да Марий Элын
Высокопреосвященнейший митрополитше Иоаннын
благословитлымыж почеш*



**ЮМЫН АВАН
«ЙЎЫН ПЫТАРЫДЫМЕ ЧАШЕ»
ИКОНЫЖ ЛҮМЕШ АКАФИСТ**

1-ше кондак

Юмым Шочыктышо Ёдыр, кугун пагалыме юмонат мыланна ёрыктарыше да ойыртемалтше польш семын пуалтын. Тудын толмыж дене ме чон ден капын черже да тёрлө ойго деч угле-на. Чот чаманыше Аралышына, Тыйым моктен, таум ыштена. Уло шўмын сёрвален йодмынам порын ончал, орланыше-влакым паремде, да ўшан дене Тыланет мурена: Мемнан духовный йёмө шумынам темыше Владычице, Йўын пытарыдыме Чаше, йывырте.

1-ше икос

Юмым Шочыктышо Царице, суксо-влакын чынышт да чын илыше-влакын погынышт Тыйым чарныде моктат, вет Тый закондымын

илыше сулыкан айдеме тукум верч сөрвалет. Чудым ыштыше юмонат-шамычым мландым-балне кавасе шўдыр наре ужна. Мыланна лы-планаш да утаралташ Тый Шке чаманымашетым нунын гоч пуэт. Йўын пытарыдыме Чаше манын лўмдымў юмонат деке толын, уло шўм дене Тыланет мурена:

Лишкат мяш лийдыме Юмын илыме верже, йывырте; енг-влакын нимучашдыме өрмашышт, йывырте. Сулыкнам ойго дене эрыктыше, йывырте; лушкыдылыкнам шўлык дене паремдыше, йывырте. Шке чаманымашетым мыланна кўшыч колтышо, йывырте, ойганыше шўмнам куандарыше, йывырте. Юмо дене чылаштым öрыктарышын сöрасыктыше, йывырте; курымашлык орланымаш деч ўшанле утарыше, йывырте. Мемнан духовный йўмў шумынам темыше Владычице, Йўын пытарыдыме Чаше, йывырте.

2-шо кондак

Йўын орланыше айдемын шўмжö ойгырым, чонжо шортмым, сулыкшо верч чот öкынымыжым ужын, Юмын аралыме Серпухов олалан Шке öрыктарыше тўсетым пуэнат. Тидын дене Тый, Эн Яндар Владычице, Шке чаманымашетым ончыктенат. Иконет деке ойгырышо шўм да ўшан дене толшо-влак неле чер деч паремыт да Юмылан мурат: Аллилуиа.



2-шо икос

Йўын орланыше ик енлан преподобный Варлаам кум гана кончен да Серпухов олаш каяш кўштен. Ты олесе монастырьыште тудо «Йўын пытарыдыме Чаше» манын лўмдымō святой юмонатым муын. Языканы ен-влак верч тыге тыршыметым ужын, Тыланет чон пыштен мурена:

Сулыкан ен-шамычлан Шке öрыктарыше пашатым почшо, йывырте; нунылан пиалан корным ончыктышо, йывырте. Утаралтмашке мемнам кондышо, йывырте; таум ышташ туныктышо, йывырте. Ойгынам куаныш савырыше, йывырте; ўшан дене мемнам пенгыдемдыше, йывырте. Осал кумылшупшмашым пыгарыше, йывырте; поро шонымашым шынгарыше, йывырте. Мемнан духовный йўмō шумынам темыше Владычице, Йўын пытарыдыме Чаше, йывырте.

3-шо кондак

Коштын кертдыме енлан Серпуховыш толаш Юмын Ава преподобный Варлаам гоч кўштен. Йўын орланыше тидым шуктен кертын, вет Владычицын порылыкшо тудым Кўшылсын куатше дене пенгыдемден. Юмын Эн Яндар Аван иконыжым ты олаште муын, тудо чон ден кап чер деч паремын да Юмылан чон пырткен мурен: Аллилуиа.



3-шо икос

Йоген пытыдыме памаш да пылпомышы-со порылыкын йӱын пытарыдыме чашыж дек Серпухов олесе ен-влак веле огыл, вес кундемла гычат православный христиан-влак толыт да, Тыйын ӧрыктарыше юмонгат ончылно паремын, Тыланет таум ыштен мурат:

Чыла ойгынам мушкын колтышо, йывырте; утаралтмаш куаным мыланна йӱктышӧ, йывырте. Чон ден кап лушкыдылыкым эмлыше, йывырте; осал кумылшупшмашым Шке кумалмет дене сорлыклышо, йывырте. Сӧрвален йодшылан пайдалым ыштыше, йывырте; шотлен пытарыдыме полышым пуышо, йывырте. Чаманымаш поянлыкетым мыланна почшо, йывырте; сулыкыш камвочшо-шамычым чаманыше, йывырте. Мемнан духовный йӱмӧ шумынам темыше Владычице, Йӱын пытарыдыме Чаше, йывырте.

4-ше кондак

Йӱын орланыше-влакым кокыте шонымашын тӱтанже лупша гынат, сулыкышт верчуло чон дене ӧкынат да Тыйын кугу чаманымашет деке толыт гын, пареммашым налыт да Тый дечет шочшо Утарышылан шӱм пырткен мурат: Аллилуиа.



4-ше икос

Йўын орланыше, наркотик дене аныргыше ең-влакын ватышт ден аваштын, шочшышт ден родо-тукымыштын неле ойгыштым, шортын сөрвалымыштым Господь колын да нунылан Тыйын, Эн Яндар Владычице, иконетым пуэн. Юмонгат деке толшо-влак, лыпланымаш ден чон куаным налын, Тыланет шортын мурат:

Тўнян сулыкшым Шке ўмбакше налше Пачам шочыктышо Яндар Пача, йывырте; колыдымаш памаш гыч куаным кошталше чаше, йывырте. Шўлыкан ава-шамычын пенгыдеммышт, йывырте; ўшаным йомдарыше-влакын поро ўшанышт, йывырте. Тый декет толшо-влакын поро аралтышышт, йывырте; ойгырышо-влакын чон лушкымышт да куанышт, йывырте. Осал кумылшупшмашым иземдыше, йывырте; йодшо-влаклан польш кидым шуялтыше, йывырте. Мемнан духовный йўмө шумынам темыше Владычице, Йўын пытарыдыме Чаше, йывырте.

5-ше кондак

Юмым Шочыктышо да тўням Кучен Ашныше Ўдыр, кугун пагалыме иконетым Тый мыланна Юмын виктарыме шўдыр семын ончыктенат. Тудым ужын, Тыйым сөрвалена: чон ден

капын түрлө черышт деч, йўын орланымаш деч паремде да ўшаныше-влакым туныкто Юмым моктен мураш: Аллилуиа.

5-ше икос

Серпухов олесе иконет деч веле огыл, тудын семын возымо вес юмонга-шамычет дечат түрлө чудо ден öрыктарыше палым ужын, нунын ончылан сукен возына да Тыланет ўнгышын мурена:

Тый декет кумылын толшо-влаклан Вашке полшышо, йывырте; кумалмынам поро шўм дене Колыштшо, йывырте. Серпухов олам суапландарымаш дене леведше, йывырте; öрыктарыше пашатын чапшым Моско кундемыште ончыктышо, йывырте. Ен-влакым паремдыше пытыдыме поянлык, йывырте; айыкын илыше-влакым куатлын Аралыше, йывырте. Тўня да диавол ваштареш пенгыдын шогышо-влаклан Вашке полшышо, йывырте; шот дене илыше-влакым тыршен Аралыше, йывырте. Мемнан духовный йўмö шумынам темыше Владычице, Йўын пытарыдыме Чаше, йывырте.

6-шо кондак

Юмым Шочыктышо Эн Яндар Ўдыр, Тыйын ыштыме чудо-влакет нерген почын ойлена да Тыйым шортын сөрвалена: арака



йүмө чер деч, сулыкыш камвочмо деч утаре да туныкто мемнам Юмылан тыршен мураш: Аллилуиа.

6-шо икос

Юмын ойырен налме Ёдыр, Юмын чапын волгыдыжо Тыйын иконет деч волгалтын. Господь Иисус Христос тушто изи Аза семын коеш да Эн Яндар Тайныжым мыланна почеш, Тудын дек үшан дене толшо-влакым йырнык сулыкланымаш деч утара. Мемнан верч Эргычым сөрвалыше Эн Яндар Ава, чарныде йонгышо йүкын Тыланет мурена:

Суксо-влак погын Тылат верч куанымылан йывырте; айдеме тукум йомартлын пайремлымылан йывырте. Тыйын чапет мландымбалысе да пылпомышысо моктымаш деч кугу улмылан йывырте; Тыйын шочыктымо Пачам мыланна ончыктыметлан йывырте. Курымашлык илышын капкаж дек кондыметлан йывырте; йүмө шуман еҥ-влакым колыдымаш памаш гыч йүктышө, йывырте. Сулыкыш камвочмо гыч нөлтышө, йывырте; пытыдыме порылыкет дене чылаштлан полшышо, йывырте. Мемнан духовный йүмө шумынам темыше Владычице, Йүын пытарыдыме Чаше, йывырте.



7-ше кондак

Йўын орланыме деч паремше ег Тыланет, Владычице, порым ышташ шонен, Серпухов олесе чудым ыштыше иконетым сōрастарен да Юмылан уло шўм дене таум ыштен мурен: Аллилуиа.

7-ше икос

Эн Яндар Ўдыр, Тыйын святой Юмонгат деч шуко öрыктарыш лиймым ужына. Йўын орланыше-влак Тыйын ава семын полшыметым кычал толыт, неле черышт деч паремын, Тыланет тауштен мурат:

Илышым пуышо да паремдыше памаш, йывырте; Юмын порылыкын пылпомышысо купельже, йывырте. Эре йогышо да эмлыше энгер, йывырте; чыла осалнам пытарыше теныз, йывырте. Сулыкыш камвочшо-влаклан ўшаным пуышо, йывырте; Шке ава кидет дене нуным йол ўмбакаш шогалтыше, йывырте. Поро чонан-влакын шўмыштым куандарыше, йывырте; сайлан йодмынам чыла шуктышо, йывырте. Мемнан духовный йўмō шумынам темыше Владычице, Йўын пытарыдыме Чаше, йывырте.



8-ше кондак

Тыйын святой иконет гоч Юмын паремды-мыж нерген колын, ўшаныдыме-влак öрыт да кокыте шонат. А ме, пагален, вуйнам савена да, тудым шупшалын, Юмылан мурена: Аллилуиа.

8-ше икос

Яндар Ўдыр, йўын орланыше-влак парем-маш ўшаным Тыланет пыштат: лушкыдылык-нам уж, осал кумылшупшмаш деч эмле — маныт. Владычице, Тый огыл гын, кö мемнам, языкан-шамычым, колымаш вынем гыч лук-теш? Сандене кугун пагалыме юмоңат ончыко сукен возын, Тыланет мурена:

Сулукан-енгын кумалмыжым колыштшо, йывырте; Тыйым сөрвалыше енлан пылпо-мышысо польшым колтышо, йывырте. Язык-ан-шамычлан чаманымаш келгытым ончык-тышо, йывырте; нигуш пураш öршö да ўшаным йомдарыше-влакым кумылангыше, йывырте. Арака йўмаш черыш камвочшо-влаклан пол-шышо, йывырте; орлыкыштым чытыше-влакым порын лыпландарыше, йывырте. Осал чернан поро Эмлышыже, йывырте; тўнян арам паша-же деч Аралыше, йывырте. Мемнан духовный йўмö шумынам темыше Владычице, Йўын пы-тарыдыме Чаше, йывырте.



9-ше кондак

Господь, Тыйын чаманыметлан суксо-влакын чыла чинышт öрыт. Сулыкан айдеме тукумлан Тый Шке Аватым, пенгыде Аралышым да Полшышым, пуэнат. Тудо мемнан лушкыдылыкнам ужеш, йўмаш черын кочо орлыкшо деч утара да ўшаныше-влакым Тыланет тыге мураш туныкта: Аллилуиа.

9-ше икос

Юмын Ава, Тыйын иконетын тыге öрыктарышын лекмыжым йылмылан мастар-влакат чын моктен огыт мошто. А меже, сулыкан ен-шамыч, шке шакше умшана дене Тыйым, мемнан аралышынам, күлеш семын моктен кертына мо? Туге гынат, шўм-чон дене куанен, Тыланет мурена:

Священный түсетын öрыктарыше чудым ыштымыжлан йывырте; Тыйым шотлыдымо-влакын вожылмашышт, йывырте. Ойго да орлык деч эре авырыше, йывырте; Тый декет толшо-влакым осал деч аралыше, йывырте. Ўнгышын волгалтмет дене осал кумылшупшмаш пычкемышым поктен колтышо, йывырте; Тыйым да Эргычым йöратыме дене мемнан чоннам темыше, йывырте. Сулык верч öкынымö корныш савырнаш кугу уш-акыл дене мемнам



Туныктышо, йывырте; Чын Судия ончылно поро вашмутым пуышашна верч Тыршыше, йывырте. Мемнан духовный йӱмӱ шумынам темыше Владычице, Йӱын пытарыдыме Чаше, йывырте.

10-шо кондак

Эреак Ӱдыр улшо Ава, шуко енгым утараш шонен, Тый йӱын орланыше-влаклан Шке ӧрыктарыше юмонгатым пуэнат. Осал кумылшупшмаш дене орланыше-влак, Тыйын чудым бштыше иконет дек толын, пареммашым налыт да Юмылан уло кумылын мурат: Аллилуиа.

10-шо икос

Йӱын орланyme деч паремаш шонен, святой юмонгат дек пагален толшо-влаклан, Тый, Юмын Ава, пырдыж да авыртыш улат. Порылыклан поян Господь иконетым мыланна эмлалташ, чоным пытарыше кумылшупшмашым сенаш пуэн да Тыланет тыге мураш кӱштен:

Шоян эмлымым шыдын чактарыше, йывырте; Чын Эмлышын порылыкшым полшаш ӱжшӧ, йывырте. Лавыранам Шке яндарлыкет дене эрыктыше, йывырте; йӧрдымӧ улмынам Шке порылыкет дене волгалтарыше, йывырте. Шӱйшаш капнам колыдымаш дене вӱдылшӧ, йывырте; кумалмынам Шке йодмет дене пенг-



гыдемдыше, йывырте. Йыжынгдыме улмына гыч мемнам нӧлтышӧ, йывырте; осал кумылшупшмашан шем пылым поктен колтышо, йывырте. Мемнан духовный йӧмӧ шумынам темыше Владычице, Йӧын пытарыдыме Чаше, йывырте.

11-ше кондак

Яндар Ӱдыр, йӧратымаш дене темын, Тыланет ӱнгышын мурымынам ит шӱкал. Йӧын орланыше да ӱшаным йомдарыше-влак деч Шке чуриетым ит коранде. Нунылан да мыланнат сулыкын лавыраж деч эрыкталташ полшо, тунам ме Юмылан йӧрышын мурена: Аллилуиа.

11-ше икос

Эн Святой Ӱдыр, Тыйым ме волгыдо сорта семын ужына. Святой тӱсет порылык тулейолкын дене чыла сулыкын пычкемышыжым поктен колта да поро паша дене темше волгыдо илыш корныш луктеш нуным, кӧ Тыланет ӱшанен мура:

Ты вуйнче тӱн्यान арам пашаж деч мемнам утарыше, йывырте; кап-чонын алгаштарымыжым чактараш полшышо, йывырте. Шӱмышкӧ поро шонымашым пыштыше, йывырте; пычкемышалтше намыснам волгалтарыше, йы-



вырте. Неле чер дене орланыше-влаклан полшышо, йывырте; сулыкна верч öкынаш да шот дене илаш ўжшö, йывырте. Шыде енг-влакын чоныштым пушкыдемдыше, йывырте; Тыйын лўметым чапландарыше-влакым утарыше, йывырте. Мемнан духовный йўмö шумынам темыше Владычице, Йўын пытарыдыме Чаше, йывырте.

12-шо кондак

Юмын Ава, Эн Яндар Поро Ўдыр, Тыйын сөрвалымет дене Юмын порылык чылаштлан пуалтеш: йорло да ойган-влаклан, тулык ден шонго ўдырамаш-шамычлан, а эн чотшо — йўын орланыше-влаклан. Юмын порылык дене темше да йўын пытарыдыме Тыйын чашет деч нигö яра ок кай. Пареммашым тичмашын налше-влак Юмылан тауштен мурат: Аллилуиа.

12-шо икос

Йўын орланыше-влаклан ончыктымö öрыктарыше пашат ден кугу чаманымашетым моктен мурена да Тыйым, Владычице, сөрвалена: утаре да чамане, чын корныш лук да ит кодо мемнам, Тыйын леведышетым кычалше, Тыланет тыге мурышо-влакым:



Чаманымашетын лупсыжым мыланна колтышо, йывырте; руштыктарыше кепшыл деч утарыше, йывырте. Йӱын орланыме чер деч эмлыше, йывырте; лунчыргышо-влаклан пенгыде полыш, йывырте. Шкеныштым кугуэш ужшо-влакым ӱнгышемдыше, йывырте; ӱнгышӧ-влакым кӱшкӧ нӧлтышӧ, йывырте. Шӱлыкан-шамычым вашке кумылангыше, йывырте; поро чонан-влакын волгыдо куанышт, йывырте. Мемнан духовный йӱмӧ шумынам темыше Владычице, Йӱын пытарыдыме Чаше, йывырте.

13-шо кондак

Мемнан Ямле Господь Иисус Христосын чот чаманыше Аваже! Кызытсе кумалмынам йӱратен нал, чон ден капнан чыла черже деч утаре, йӱын орланыше-влакым чаманен паремде. Нуно осалеш ынышт йом ыле, а Тыйын утарыметлан куанен, Юмылан эре мурышт: Аллилу́иа.

(Тиде кондак кум гана лудалтеш, вара 1-ше икос да 1-ше кондак лудалтеш).



Молитва

Чот чаманыше шүман Владычице! Тыйын аралтышет деке толынна, кумалмынам ит шүкал. Арака йүмө неле чер дене орланыше иза-шольына, ака-шүжарна-влакым паремде. Йүмыштлан көра нуно шке авашт деч — Христосын Черкыж деч — да утаралтмаш деч корангыныт. Юмын чот чаманыше Аваже, нунын шүмышкышт түкнө, сулыкыш камвочмышт гыч нөлтал, паремде, шкеныштым кучен кертмашке да утаралтмашке шукто. Эргычым, Христос Юмынам, сөрвале: сулыкнам кудалтыже, Шке енге-влак деч Шке чаманымашыжым ынже коранде, айык илыш дене яжарланыде илаш пенгыдемдыже. Юмым Шочыктышо Эн Яндар Ёдыр, Тыйын иконет ончыко толшо да шочшышт верч шинчавүдым йоктарыше ача-аван, шке пелашышт верч йодшо вате-влакын, илышыште йомшо ача-авашт деч тулыкеш кодшо орлыкан йоча-влакын да мемнан сөрвалымынам йөрәтен нал. Уло чон дене йодмына Тыйын кумалмет дене Күшылсын Престолжо дек шужо. Мемнам левед, тушманын опытышыжо да чыла осалже деч арале. Чонна лекме лүдыкшө шагатыште южысо мытарстве-шамычым чарак деч посна эрташ полшо, курымашлык орлыклан судитлыме деч Шке кумалмет дене утаре. Юмын чаманымашыже курым-курымеш мемнам леведше. Аминь.



Юмын Аван «Йўын пытарыдыме Чаше»

ИКОНЫЖО

Тиде юмонга ончычат улмаш, но тудым кумдан пален огытыл. Ты юмонган чапшым 1878 ийыште Тула кундемысе ик пörьен дене лийше чудо кўшкө нөлтен. Отставкыш лекше саде салтак кресаньык пашам ыштен илен. Ончыч тудо калык пагалыме ең улмаш, но аракам чот йўмыжлан көра нимо деч посна кодын да эше йолжо отказен. Омешыже волгыдо чуриян старец кум гана кончен да эре ойлен: «Юмын Аван Серпухов олесе монастырьышкыже кай. Тушто Тудын «Йўын пытарыдыме Чаше» иконыжо уло. Юмонга ончылан молебеным служитле, тунам чонет да капет таза лиеш».

Арака йўмө сулыкеш йомшо, оксадыме да коштын кертдыме ты пörьен кок ганаже корныш тарванаш тоштын огыл. Кунам волгыдо старец кумшо гана кончен да пенгыдын каласен, йўаш йоратыше енет корныш тарванен, тудо ынде нушкын каяшат ямде лийын. Орланымыжым ужын, ең-шамыч полшаш тыршеныт, малаш пуртеныт. Корнышто йолжат изишак иланаш, шижаш тўнгалын.

Юмын полшымо дене монастырьыш миен шуын, но тушто тыгай иконо нерген пален огытыл. Кужун кычалмек, ризнице вельш кайымаште кечыше юмонгам шарналтеныт, вет тушто чашын сўретше лийын. Саде иконным савырен ончалыныт да «Йўын пытарыдыме Чаше» манын возымым ужныт. Юмонга ончылно молебеным служитлымек, пörьенгын йолжо паремын, арака йўмө осал кумылшупшмашыже йөршын пытен. Эше мо онгайже: саде пörьен преподобный Варлаамын мощыж деке лишемын, раке ўмбалнысе иконом шымлен ончалын да омешыже кум гана кончышо святойым пален.

Öрыктарыше поро увер кундем мучко писын шарлен. Юмын Аван «Йўын пытарыдыме Чаше» чудотворный



образше дек Серпухов ола гыч веле огыл, мўндыр верла гычат толедаш тўнгалыныт. Высоцкий монастырьыште аралалтше ты юмонга уло Российын ўшанышкыже савырнен. Но революций деч вара монастырьым петыреныт, чудым ыштыше иконым Никольский кафедральный соборыш нангаеныт. Тудо соборжымат 1929 ийыште петыреныт, чыла святынбым Нара энгер сереш йўлалтеныт. Юмын Аван «Йўын пытарыдыме Чаше» чудотворный образше да тудын списке-шамычшат йомыныт, сандене молебеным служитлымым чарненыт.

Православный тўняште кызыт кумдан палыме «Йўын пытарыдыме Чаше» у иконым 1992 ийыште возеныт. Тушто Юмын Ава Шке Эргыжым сўрвала, вет чыла ойганлан полшынеже, осал койыш деч утарынеже. Яндар кидшым кўшкў нўлталын, чылаштым духовной куаныш ўжеш: Пылпомышысо польшыын да чаманымашын йўын пытарыдыме чашыже кажныжлан ямдылыме манын ўшандара!

Чудотворный юмонган ты Спискыжым 1996 ий 6 майыште Серпуховысо Введенский Владычный ўдырамаш монастырьыште святитленыт. Ты юмонгам чыла вере пагален шарнышт манын, Святейший Патриарх Алексей II тудым православный черке календарыш 5/18 май кечын пурташ благословитлен. Юмын Авам сўрвален, ты кечын чыла епархийлаште крестный ход эртаралтеш, тыгак вўдым святитлат, арака йўмў сулык да моло тўрлў осал кумылшупшмаш дене орланыше-влак верч чот кумалыт. Поро польшыым налмек, таум ышташ толшыжат пеш шукын улыт.

Юмын Авам уло кумылын да шот дене сўрвален мшташ манын, аралалт кодшо ожнысо рукопись-влакым шымленыт. Высоцкий монастырьыште ты иконо лўмеш службым ямдыленыт, акафистым савыктен луктыныт. А ме ты акафистым шочмо марий йылмышкына кусаренна да тыланда лудаш темлена.



**ЮМЫН АВАН
«ЙӰЫН ПЫТАРЫДЫМЕ ЧАШЕ»
ИКОНЫЖ ЛӰМЕШ АКАФИСТ**

На марийском (луговом) языке

**АКАФИСТ ИКОНЕ БОЖИЕЙ МАТЕРИ
«НЕУПИВАЕМАЯ ЧАША»**

Ответственный за выпуск
протоиерей Николай Чузаев

Подписано к печати 23.11.2025. Формат 60x84/16.
Бумага офсетная. Гарнитура «Times».
Печать офсетная. Печ. л. 1,125.
Заказ № . Тираж 1000 экз.

Отпечатано с готового оригинал-макета
в типографии ООО ИПФ «СТРИНГ»
424006, Республика Марий Эл, г. Йошкар-Ола,
ул. Строителей, д. 95, корпус 101 А, помещение 12–12 А.